

Na osnovu člana 61. stav (2) Zakona o upravi ("Službeni glasnik BiH", br. 32/02, 102/09 i 72/17), člana 10. stav (5) tačke 1) i stava (6) Zakona o poštama Bosne i Hercegovine ("Službeni glasnik BiH", broj 33/05) i člana 8. Statuta Agencije za poštanski promet Bosne i Hercegovine ("Službeni glasnik BiH", broj 92/07), a uz saglasnost Ministarstva komunikacija i prometa Bosne i Hercegovine, Vijeće Agencije za poštanski promet Bosne i Hercegovine, na 114. sjednici održanoj 25.04.2019. godine, donosi

**ODLUKU
O VISINI TROŠKOVA ZA IZDAVANJE LICENCI I
VISINI GODIŠNJE NAKNADE ZA OBAVLJANJE
POŠTANSKIH USLUGA**

DIO PRVI - UVODNE NAPOMENE

Član 1.

(Predmet Odluke)

Ovom Odlukom se utvrđuje visina troškova za obradu zahtjeva za izdavanje licenci, visina troškova obrade zahtjeva za promjenu uvjeta u licenci, visina godišnje naknade za obavljanje poštanskih usluga, rokovi izmirenja obaveza plaćanja, sadržaj obrazaca za podnošenje prijave za obračun i potrebna dokumentacija koja se dostavlja uz prijavu.

Član 2

(Obveznici plaćanja naknada)

- (1) Obveznici plaćanja godišnje naknade za obavljanje poštanskih usluga su svi subjekti registrovani za obavljanje djelatnosti u oblasti poštanskog prometa na osnovu licence ili ovlaštenja izdatih od Agencije za poštanski promet Bosne i Hercegovine.
- (2) Javni poštanski operateri i poštanski operateri dužni su i obavezni plaćati naknadu za obavljanje poštanskih usluga na način i u rokovima utvrđenim ovom Odlukom.

Član 3.

(Podnošenje zahtjeva)

- (1) Zahtjev za izdavanje licence podnosi se Agenciji za poštanski promet Bosne i Hercegovine (u daljem tekstu: Agencija) na obrascima propisanim Pravilnikom o izdavanju licenci za obavljanje poštanskih usluga.
- (2) Zahtjev iz stava (1) ovog člana podnose poštanski operateri.
- (3) Javni poštanski operateri su Zakonom o poštama Bosne i Hercegovine ovlašteni za obavljanje svih poštanskih usluga i ne podnose zahtjev za izdavanje licence.

DIO DRUGI - ZAJEDNIČKE ODREDBE

GLAVA I Obaveze plaćanja i vrste naknade za licence

Član 4.

(Vrste naknada)

- (1) Naknade u smislu ove Odluke su:
 - a) Naknada za administrativno tehničku obradu zahtjeva za izdavanje licence ili izmjenu licence,
 - b) Godišnja naknada za obavljanje poštanskih usluga.
- (2) Naknade iz stava (1) su prihod budžeta institucija Bosne i Hercegovine.

Član 5.

(Naknade za obradu zahtjeva)

- (1) Naknada za administrativno tehničku obradu zahtjeva za izdavanje licenci:
 - a) 1.000,00 KM za obavljanje nerezervisanog dijela univerzalnih poštanskih usluga,
 - b) 500,00 KM za obavljanje kurirskih usluga,
 - c) 300,00 KM za obavljanje usluga direktne pošte - neadresovanih pošiljaka.

- (2) Naknada za administrativno tehničku obradu zahtjeva za izmjenu podataka u licenci:
 - a) 800,00 KM za obavljanje nerezervisanog dijela univerzalnih poštanskih usluga,
 - b) 200,00 KM za obavljanje kurirskih usluga,
 - c) 100,00 KM za obavljanje usluga direktne pošte - neadresovanih pošiljaka.

- (3) Ako se zahtjev istovremeno podnosi za dvije ili više licenci podnosilac zahtjeva plaća naknadu za administrativno tehničku obradu zahtjeva za svaku licencu posebno.
- (4) Dokazi o uplati naknade za obradu zahtjeva za izdavanje licence ili zahtjeva za izmjenu licence dostavlja se uz zahtjev za izdavanje licence ili uz zahtjev za izmjenu licence.
- (5) Za uplaćenu naknadu iz stava (1) i (2) ovog člana Agencija će podnosiocu zahtjeva izdati rješenje u roku od 7 dana od dana prijema kompletnog zahtjeva.

DIO TREĆI - POSEBNE ODREDBE

GLAVA I Način obračuna i iznosa godišnjih naknada

Član 6.

(Naknada za obavljanje poštanskih usluga)

- (1) Obveznici plaćanja naknade za obavljanje poštanskih usluga (u daljem tekstu: naknada) su pravni subjekti koji obavljaju poštanske usluge na osnovu ovlaštenja ili licence izdate od strane Agencije.
- (2) Naknada se utvrđuje u godišnjem iznosu za kalendarsku godinu u kojoj se obavljaju poštanske usluge i obuhvata period od 1. januara do 31. decembra.
- (3) Ukoliko je vrijeme obavljanja poštanskih usluga odnosno važenja licence kraće od kalendarske godine, odnosno tromjesječna, naknada se utvrđuje i plaća srazmjerno vremenu obavljanja usluga odnosno važenja ovlaštenja i licence.
- (4) Naknada se obračunava i plaća po stopi od 0,7% od ukupnog prihoda ostvarenog po osnovu obavljanja poštanskih usluga.

Član 7.

(Osnovica za obračun naknade)

- (1) Osnovica za obračun naknade je ukupan prihod od obavljanja poštanskih usluga u koji se uključuje i prihod od prodaje poštanskih maraka, izuzev prihoda od filatelije, a koji obveznik utvrđuje u prijavi za obračun naknade.
- (2) Osnovica se utvrđuje na osnovu podataka iskazanih u analitičkim računima prihoda i Bilansu uspjeha.
- (3) Obveznici naknade dužni su osigurati vođenje računovodstvene evidencije na analitičkim računima prihoda, po vrstama poštanskih usluga pojedinačno za sve prihode za koje su licencirani ili ovlašteni iz kojih se jasno i nedvosmisleno može utvrditi vrsta i vrijednost ostvarenih prihoda na koje se plaća naknada.
- (4) Ako operater poštanskog prometa pored poštanskih usluga obavlja i druge djelatnosti, a ne vodi analitičku evidenciju prihoda po vrstama poštanskih usluga, plaća godišnju naknadu u iznosu od 0,7% od ukupno ostvarenog prihoda na osnovu podataka korisnika licence ili ovlaštenja iskazanog u Bilansu uspjeha u prethodnoj godini.

Član 8.

(Minimalan iznos naknade)

Izuzetno u odnosu na odredbe člana 6. i 7. ove Odluke iznos naknada za tromjesječe ne može biti niži od:

- 4.800,00 KM za obavljanje nerezervisanog dijela univerzalnih poštanskih usluga,
- 2.400,00 KM za obavljanje kurirskih usluga,

- 1.200,00 KM za obavljanje usluga direktne pošte - neadresovanih pošiljaka.

Član 9.

(Prijava za obračun naknade)

- (1) Iznos naknada za obavljanje poštanskih usluga utvrđuje obveznik u prijavi nakon isteka kalendarske godine ili drugog perioda utvrđivanja naknade prema osnovici utvrđenoj u tom periodu.
- (2) Obrazac prijave za obračun naknade propisuje Agencija i isti je sastavni dio ove Odluke.
- (3) Obveznik je dužan da pravilno i tačno popunjenu prijavu za obračun naknade podnese Agenciji najkasnije do 20. marta tekuće godine za prethodnu godinu.
- (4) Ukoliko obveznik posjeduje više od jedne licence podnosi prijave za svaku licencu posebno.
- (5) Obveznik koji prestane sa obavljanjem poštanskih usluga dužan je prijavu podnijeti u roku od 30 dana od dana prestanka obavljanja djelatnosti.

Član 10.

(Dokumentacija uz prijavu za obračun)

- (1) Uz prijavu za obračun naknade za godinu za koju se utvrđuje naknada obveznik je dužan Agenciji dostaviti: ovjeren Bilans uspjeha, ovjerene kopije analitičkih računa prihoda i Izvještaj o ostvarenim prihodima i fizičkom obimu obavljenih poštanskih usluga.
- (2) Obrazac Izvještaja o ostvarenim prihodima i fizičkom obimu obavljenih poštanskih usluga propisuje Agencija i čini sastavni dio ove Odluke.
- (3) Ukoliko Agencija pregledom dokumentacije iz stava (1) ovog člana utvrdi iznos naknade koji se razlikuje od iznosa koji je u skladu sa članom 9. Odluke prijavio obveznik izdat će rješenje na iznos utvrđen pregledom dokumentacije iz stava (1) ovog člana.

GLAVA II Postupak i kontrola naplate naknade za obavljanje poštanskih usluga

Član 11.

(Kontrola i naknadni obračun)

- (1) U cilju provjere tačnosti podataka u prijavi za obračun naknade Agencija može izvršiti kontrolu i provjeru poslovnih knjiga i dokumentacije o prijavljenim podacima za obračun naknade.
- (2) U slučaju da Agencija utvrdi da obveznik u prijavi nije tačno prikazao prihode, odnosno osnovicu za obračun naknade, Agencija će naknadno izvršiti obračun i operatoru ispostaviti rješenje za iznos manje obračunate naknade.
- (3) Za iznos manje obračunate naknade iz prethodnog stava obveznik je dužan platiti i zateznu kamatu propisanu zakonom koja se obračunava za period od stvarnog nastanka i dospijeaća naknade do momenta uplate obračunate razlike po naknadno ispostavljenom rješenju.

Član 12.

(Plaćanje naknade)

- (1) Naknada se utvrđuje nakon isteka kalendarske godine ili drugog perioda utvrđivanja i plaća se na osnovu rješenja Agencije akontativno u tromjesečnim iznosima iskazanim u prijavi za obračun naknade odnosno rješenju Agencije.
- (2) Za period do podnošenja prijave obveznik plaća tromjesečne akontacije naknade u visini koja odgovara

tromjesečnoj akontaciji iz prethodne godine na osnovu rješenja.

- (3) Obveznik koji prvi put počinje s obavljanjem poštanske djelatnosti, akontaciju naknade plaća u tromjesečnom minimalnom iznosu propisanom članom 8. ove Odluke.
- (4) Ukoliko obveznik posjeduje više od jedne licence za obavljanje poštanskih usluga plaća godišnju naknadu za obavljanje poštanskih usluga za svaku licencu posebno u iznosu propisanom članom 8. Odluke, odnosno po stopi utvrđenoj članom 7. Odluke.
- (5) Za obveznike koji u momentu stupanja na snagu ove Odluke posjeduju više od jedne licence plaćanje godišnje naknade nastavit će pod već stečenim uvjetima do isteka roka važenja licenci.
- (6) Naknada je prihod budžeta institucija Bosne i Hercegovine.

Član 13.

(Poravnanje avansnih uplata i obaveza po rješenjima)

- (1) Ako u prijavi obveznik utvrdi i iskaže veći iznos naknade od iznosa uplaćenih tromjesečnih akontacija, obveznik je dužan da razliku manje uplaćenog iznosa naknade uplatiti u roku od 8 dana od dana prijema rješenja o poravnanju uplata.
- (2) Ukoliko je u prijavi iznos uplaćenih tromjesečnih akontacija veći od obaveze, više plaćena naknada će se uračunati u akontacije za budući period ili će se na pismeni zahtjev obveznika vratiti na njegov račun.
- (3) Akontacija naknade plaća se tromjesečno za tekuću godinu u roku 15 dana od dana prijema rješenja iz člana 12. ove Odluke. Rješenje se ispostavlja do 31.03. za prvo tromjesečje, do 30.06. za drugo tromjesečje, do 30.09. za treće tromjesečje i do 31.12. za četvrto tromjesečje tekuće godine.
- (4) Za kašnjenje u plaćanju naknade iz prethodnog stava Agencija će obračunati zateznu kamatu propisanu zakonom.

DIO ČETVRTI - PRELAZNE I ZAVRŠNE ODREDBE

Član 14.

(Izmjene i dopune Odluke)

Agencija prati i analizira primjenu ove Odluke u oblasti funkcionisanja poštanskog prometa i u slučaju potrebe može vršiti izmjenu i dopunu Odluke na način na koji je i donesena.

Član 15.

(Stupanje na snagu)

- (1) Ova Odluka stupa na snagu osmog dana od dana objavljivanja u "Službenom glasniku BiH".
- (2) Stupanjem na snagu ove Odluke prestaje važiti Odluka o visini troškova za izdavanje licenci i visini naknade za obavljanje poštanskih usluga ("Službeni glasnik BiH", br. 10/14 i 50/17).

Broj 01-01-02-2-30-10/19
25. aprila 2019. godine
Sarajevo

Predsjedavajući
Vijeća Agencije
Mirko Kosorić, s. r.

Ministarstvo komunikacija i prometa Bosne i Hercegovine je dalo saglasnost broj 02-04-29-12-1786-2/19 od 30.08.2019. godine na Odluku o visini troškova za izdavanje licenci i visini godišnje naknade za obavljanje poštanskih usluga.

**PRIJAVA ZA OBRAČUN I UPLATU NAKNADE ZA OBAVLJANJE POŠTANSKIH USLUGA KOD
OPERATERA POŠTANSKOG PROMETA**
od do godine

I PODACI O OBVEZNIKU NAKNADE			
1.	NAZIV OBVEZNIKA:		
2.	Identifikacioni broj:		
3.	Adresa obveznika:		
4.	Ime lica ovlaštenog za zastupanje:		
5.	Naziv licence / ovlaštenja:		
II PODACI ZA OBRAČUN NAKNADE			
	Naziv prihoda	Iznos prihoda	Iznos naknade
1.	Prihod od pismonosnih pošiljaka		
2.	Prihod od tiskovina, novina i časopisa		
3.	Prihod od paketskih pošiljaka		
4.	Prihod od poštanskih i telegrafskih uputnica		
5.	Prihod od isplate novčanih doznaka na kućnu adresu		
6.	Prihod od direktne pošte: - adresovana direktna pošta - neadresovana direktna pošta		
7.	Prihod od kurirskih usluga		
8.	Prihod od preporučenih i vrijednosnih pošiljaka		
9.	Prihod od pošiljaka brze pošte - EMS		
10.	Prihod od sudskih pisama i pisma u upravnom postupku		
11.	Prihod od poštanskih maraka (izuzev prihoda od filatelije)		
12.	Prihod od sekograma		
13.	Prihodi od ostalih poštanskih usluga		
14.	Ukupno		
III IZNOS TROMJESEČNE AKONTACIJE (r.b. 18./IV)			
	Minimalan iznos tromjesečne naknade po čl. 8. i 12. Odluke:		
IV	- za obavljanje nerezervisanog dijela univerzalnih poštanskih usluga		
	- za obavljanje kurirskih usluga		
	- za obavljanje usluga direktne pošte – neadresovanih pošiljaka		
	UKUPNO		

Datum podnošenja prijava

MP

Potpis odgovornog lica

NAZIV OPERATERA POŠTANSKOG PROMETA _____

IZVJEŠTAJ

**O OSTVARENIM PRIHODIMA I FIZIČKOM OBIMU OBAVLJENIH POŠTANSKIH USLUGA
(Prilog uz Prijavu za obračun i uplatu naknade za obavljanje poštanskih usluga)**

ZA PERIOD OD 1. 1. do 31. 12. _____ godine

R.br.	OPIS	1. Podaci o ostvarenom prihodu			2. Podaci o broju usluga		
		Unutrašnji promet	Međunaro. promet	Ukupno	Unutrašnji promet	Međunaro. promet	Ukupno
1.	Pismonosne pošiljke						
2.	Tiskovine, novine i časopisi						
3.	Paketske pošiljke						
4.	Poštanske i telegrafske uputnice						
5.	Isplate novčanih doznaka na kućnu adresu						
6.	Direktna pošta: - adresovana - neadresovana						
7.	Kurirske usluge						
8.	EMS						
9.	Preporučene pošiljke						
10.	Vrijednosne pošiljke						
11.	Sudska pisama i pisma u upravnom postupku						
12.	Poštanske marake (izuzev prihoda od filatelije)						
13.	Sekogram						
14.	Ostale poštanske usluge						
15.	UKUPNO						
16.	Ukupno ostvareni prihod iz Bilansa uspjeha						
17.	Razlika ukupno ostvarenog prihoda iz Bilansa uspjeha i prihoda od obavljanja poštanskih usluga						

Ime i prezime lica koje je odgovorno za Izvještaj: _____

Kontakt telefon: _____

E-mail adresa: _____